

CROESO!

**PECYN GWYBODAETH AM RECRIWTIO
GYRRWR A CHYDLYNYDD CERBYDAU CAFFI IEUENCTID
SYMUDOL**



**Area 43
35 Pendre
Aberteifi
SA43 1JS
01239 614 566**

AREA43

Helo, a chroeso cynnes!

Diolch i chi am ddangos diddordeb mewn gweithio gydag Area 43 a Dyfodol Ni, ac am gredu yn ein cenhadaeth i roi grym a chryfhau llais ieuenctid, drwy eirioli hawliau pobl ifanc i gael mynediad at gymorth lleol o ansawdd uchel. Gobeithiwn eich bod am ymuno â ni a gweithio mewn partneriaeth â phobl ifanc ac eraill i hyrwyddo datblygiad gwasanaethau rhad ac am ddim a arweinir gan bobl ifanc. Yn Area 43 a Dyfodol Ni, credwn fod gan bobl ifanc y pŵer i newid cymunedau; dylent bob amser gael rhywle i droi a rhywun i siarad â nhw, waeth beth fo'r lleoliad neu amgylchiadau.

Am fwy na 25 mlynedd, mae Area 43 wedi darparu cymorth galw heibio a chwnsela i bobl ifanc agored i niwed. Rydym yn falch o'r hyn rydym wedi'i gyflawni, ond mae pobl ifanc yn byw mewn byd sy'n newid yn barhaus. Mae gan wasanaethau cymorth megis Area 43 rwymedigaeth i addasu ac i wrando ar eu lleisiau, eu dymuniadau a'u hanghenion. Mae gennym gyfrifoldeb i ehangu lleisiau'r ifanc a'u hysbrydoli i greu newid.

Mae'r genhedlaeth hon yn tyfu i fyny gyda phwysau cymdeithasol newydd, sy'n dod i'r amlwg, wedi'u gwaethygu gan ddylanwad y cyfryngau cymdeithasol a pholareiddio barn ar faterion fel casineb at fenywod, homoffobia a thrawsffobia. Rhaid i ni roi'r gorau i'r syniad hen ffasiwn y gellir mynd i'r afael â llesiant meddyliol a chorfforol ar wahân o ran materion sy'n effeithio ar iechyd meddwl. Ein cyfrifoldeb ni yw helpu pobl ifanc i ymdopi â materion sy'n effeithio arnyn nhw cyn iddo gyrraedd pwynt argyfwng; dylai fod ganddyn nhw gymuned i droi ati, ni waeth beth fo'u lleoliad neu eu hamgylchiadau.

Mae gennym gyfle i wneud ymrwymiad difrifol i iechyd meddwl pobl ifanc. Dyma gyfle i rieni, athrawon a phobl ifanc roi'r gorau i sibwrdd am eu hanghenion iechyd meddwl a dechrau bloeddio am fuddsoddiad yn ei ddyfodol.

Mae angen i ni wynebu'r materion sy'n ymwneud ag ynysigrwydd, hunan-barch a gwydnwch i fynd i'r afael â'r pryderon iechyd meddwl sy'n effeithio ar bobl ifanc yn uniongyrchol. Mae pobl ifanc yn gwybod beth sy'n bwysig iddyn nhw a dylent fod yn arwain sefydliadau yn hytrach na cheisio bod yn rhan ohonyn nhw. Mae angen i ni gael ein harwain gan bobl ifanc, bod yn hyblyg, cael ein harwain gan anghenion, yn wybodus

am drawma ac yn ddibynadwy. Mae angen i bobl ifanc wybod y gallant ddod atom ni, nid yn unig pan fyddan nhw mewn argyfwng, ond cyn iddyn nhw fod mewn argyfwng, gan wybod y cânt eu clywed, y gwrandewir arnyn nhw a'u cefnogi i wneud newidiadau.

Mae angen i wasanaethau apelio at bob person ifanc, bod yn agored, yn gynhwysol ac yn ymgysylltiol. Mae profiadau anfygythiol, llawn hwyl a gwerth chweil yn hanfodol i sicrhau bod pobl ifanc yn gallu ac yn mynd i gyrchu gwasanaethau. Felly, pe baent byth mewn argyfwng, maent yn gwybod ble i droi am gymorth.

Croesawn pobl waeth beth fo'u hoedran, anabledd, hunaniaeth o ran rhywedd, statws priodasol, hil, ffydd neu gred, cyfeiriadedd rhywiol, cefndir economaidd-gymdeithasol, a ph'un a ydych yn feichiog neu ar absenoldeb teuluol. Yn unol â'n hymrwymiaidau i degwch hiliol a chynhwysiant traws, croesawn yn arbennig geisiadau gan bobl sydd â'r hunaniaethau hyn. Rydym wedi ymrwymo i newid gwasanaethau, gan eu gwneud yn berthnasol i bobl ifanc heddiw.

Rydym wedi ymrwymo i addasu ein gwasanaethau i'w gwneud yn berthnasol i bobl ifanc a herio eraill i wneud hynny hefyd.

Os yw hyn yn cyd-fynd â'ch persbectif, gobeithiaf y byddwch yn gwneud cais am y swydd hon.

Yn gywir

RACHAEL EAGLES
PRIF SWYDDOG GWEITHREDOL

Area 43: Pwy Ydym Ni

Mae Area 43, Partner Arweiniol Partneriaeth Dyfodol Ni, wedi'i lleoli yng Nghanolbarth a Gorllewin Cymru, ac yn darparu gwasanaethau a arweinir gan bobl ifanc ar draws y DU. Rydym yn grymuso ac yn ehangu llais ieuencid, ac yn hyrwyddo hawliau pobl ifanc i gael mynediad at gwnsela a chymorth lleol o ansawdd uchel.

Rydym am weld byd ble:

- Nid oes unrhyw rwystrau i gymorth, ac mae gwasanaethau'n gynhwysol, yn hygyrch ac yn hwyl.
- Mae sefydliadau eraill yn dilyn ein model i ddarparu gwasanaethau hyblyg, ymatebol, wedi'u harwain gan anghenion sy'n sicrhau canlyniadau cadarnhaol i blant a phobl ifanc unigol.
- Mae ein gwasanaethau, a'r rhai o'n cwmpas, yn datgloi potensial ar bob cam o fywydau pobl ifanc, yn enwedig pan fyddan nhw'n wynebu anghydraddoldeb neu anfantais.
- Rydym yn cyfrannu at yr amgylchedd cyfreithiol, polisi ac ymarfer, gan eirioli dros blant a phobl ifanc.
- Mae pobl ifanc yn cael eu grymuso i gymryd rhan yn y gymuned leol, gan fynd i'r afael â materion eu cenhedlaeth.

Ein Gwerthoedd

- Dibynadwy:** *Rydym yn gefnogol ac yn anfeirniadol. Gall pobl ifanc ymddiried ynom i ddweud y gwir wrth rym, ac i floeddio lleisiau'r ifanc.*
- Dewr:** *Rydym yn feiddgar, yn ddewr a byddwn yn cymryd risgiau er mwyn cael pobl ifanc yr hyn y maent ei eisio a'i angen.*
- Chwilfrydig:** *Dywedwch wrthym rywbeth nad ydym yn ei wybod. Rydyn ni wrth ein bodd yn dysgu, yn tyfu ac yn ymchwilio i brosiectau newydd!*
- Anhunanol:** *Rydym am helpu. Rydyn ni'n poeni am bobl ifanc a byddwn ni'n gwneud popeth o fewn ein gallu i'w cefnogi i gyrraedd lle mae angen iddyn nhw fynd.*
- Aflonyddol:** *Nid yw newid yn digwydd heb unrhyw darfu, ac fel llawer o bobl ifanc rydyn ni'n gweithio gyda nhw, rydyn ni'n creu trafferthion da!*
- Wedi ein Gyrru:** *Rydym yn angerddol am helpu pobl ifanc i gyflawni eu nodau ac yn cael ein hysgogi i wneud newid.*

Yn Area 43, mae pob aelod o staff yn gwneud gwahaniaeth. Rydyn ni'n cofleidio unigoliaeth, yn dathlu ein cryfderau ac yn helpu ein gilydd i dyfu, dyna sy'n caniatáu i ni wneud i bethau ddigwydd a'n gwneud ni pwy ydyn ni.

Mae Area 43 yn ymfalchïo yn ein diwylliant gwaith a bydd yn parhau i feithrin llesiant ein staff ar draws ein holl strwythurau, sydd wedi'u hymgorffori mewn polisi.

Mae ein staff yn hunanfyfyrion, yn wydn, yn onest ac yn ymroddedig. Gwnawn bopeth o fewn ein gallu i sicrhau llesiant tîm fel y gallant berfformio hyd eithaf eu gallu gyda'r plant a'r bobl ifanc rydym yn eu cefnogi.

Mae ein tîm wedi ymrwymo i sicrhau amgylchedd gwaith cadarnhaol, ac yn addo:

Cael hwyl a dod o hyd i'r llawenydd!

Bod yn agored ac yn barchus i herio

Bod yn ymwybodol o'm gweithredoedd

Bod yn agored ac yn onest

Siarad â'r person iawn

Bod yn chi eich hunan gorau

Cynnal ffiniau clir

Cofio y gall ein gwahaniaethau fod yn gryfderau i ni

Arweinir gan ieuenctid

Mae cael eich arwain gan bobl ifanc yn golygu gwybod pryd i gamu o'r ffordd a gadael i bobl ifanc gymryd yr awenau. Mae Area 43 yn credu yng ngalluoedd ac uchelgeisiau pobl ifanc ac yn eu grymuso i wneud newid gwirioneddol. Mae Area 43 yn cael ei arwain gan bobl ifanc o'r dechrau'n deg, ac rydym yn benderfynol o arwain eraill i gael eu harwain gan bobl ifanc hefyd.

Safleoedd Saff Area 43

Profodd ein hymgyngoriad bod pobl ifanc am gael mynediad at wasanaethau anffurfiol eu natur a'u bod yn llai tebygol o fynychu lleoliadau wedi'u targedu a lleoliadau ffurfiol; mae pobl ifanc yn gofyn i ni am safleoedd saff cyffredinol a mynediadau agored.

Mae Area 43 wedi ymrwymo i redeg safleoedd saff ar draws Canolbarth a Gorllewin Cymru, a rhannu ein gwybodaeth ag eraill ar draws y DU. Mae hyn er mwyn gallu helpu pobl ifanc i fwrw ymlaen â'r newid y maent am ei weld.

Mae pobl ifanc yn dweud wrthym eu bod angen safleoedd saff ymroddedig i gyfarfod yn ddiogel, safleoedd o safon, lle gallant gael mynediad at gymorth pe bai ei angen arnyn nhw.

Yn fwy cyffredinol, mae safle saff yn cynnig y canlynol i bobl ifanc:

- Safle cyfarfod hamddenol, sy'n ddiogel, yn gyfeillgar ac yn gynhwysol
- Safle i bob person ifanc o bob cefndir cymdeithasol a diwylliannol ryngweithio'n gymdeithasol â'u cyfoedion mewn amgylchedd diogel a chefnogol heb gyffuriau ac alcohol;
- Safle ar gyfer ymlacio, hamddena ac adloniant a, lle bo'n briodol, bod yn safle ar gyfer gwybodaeth, cyfeirio at wasanaethau neu hyd yn oed darpariaeth gofal/gwasanaeth uniongyrchol;
- Safle lle gall pobl ifanc ddatblygu perthnasoedd o ansawdd da gyda'u cyfoedion a chydag oedolion;
- Safle anffurfiol, addysgiadol i bobl ifanc ddysgu sgiliau bywyd a gwella eu cyfleoedd cyflogaeth.

Mae safleoedd saff yn anhraddodiadol ac felly'n gysylltiol, ac nid oes unrhyw stigma na label yn ymwneud â mynychu'r safle. Un o'i werthoedd allweddol yw p'un a yw person ifanc yn mynd yno dim ond i gymdeithasu â ffrindiau, yfed coffi a gwranddo ar gerddoriaeth, neu fynd yno i gael cymorth penodol i ddelio ag argyfwng, Ar gyfer yr holl ddibenion hyn, edrycha yr un peth ac felly mae'n meithrin cynhwysiant sydd mor bwysig i bobl ifanc.

Mae Area 43 wedi ymrwymo i fodloni gofynion safleoedd saff fel y'u diffinnir ym Maniffesto S³ (Grŵp Lobio leuenctid Ceredigion):

- Am ddim yn y pwynt mynediad.
- Safle i bobl ifanc, gan bobl ifanc, wedi'i osod o fewn fframwaith o weithwyr proffesiynol y gellir ymddiried ynddyn nhw.
- Safle sy'n cyfathrebu â phobl ifanc ac yn cyfeirio at y gwasanaethau sydd ar gael.
- Safle sy'n eirioli dros hawliau a llesiant pobl ifanc.
- Safle lle gall person ifanc fod yn agored i niwed heb gael ei farnu.
- Safle lle nad oes stigma yn bodoli.
- Safle cwbl gynhwysol.
- Safle lle nad oes angen i chi ymddiheuro.
- Safle lle ceir diodydd cynnes a bwyd, sy'n gysur.
- Safle sy'n annog unigoliaeth.
- Safle a all gynnig tegwch, sefydlogrwydd, cysondeb a dibynadwyedd.
- Safle sy'n annog ymdeimlad o gymuned, ac yn helpu i adeiladu rhwydweithiau cymorth.
- Rhywle sy'n rhoi cyfle i'r gwasanaeth a defnyddwyr y gwasanaeth ymyrryd yn gynnar mewn argyfyngau iechyd meddwl, a'u hatal.

Gwasanaeth Cwnsela Area 43

Darperir ein gwasanaethau cwnsela ar draws siroedd Powys, Sir Gaerfyrddin, Ceredigion a Phenfro ar gyfer pobl ifanc rhwng 5-30 oed, yn dibynnu ar agwedd ar y gwasanaeth, boed hynny mewn ysgolion, ar-lein, yn y gymuned, neu yn un o'n Safleoedd Saff.

Mae Area 43 yn cydnabod cwnsela fel proses bwrpasol sy'n galluogi cleientiaid i ddatrys problemau a magu hyder yn eu gallu i gyfrannu'n llwyddiannus at eu datblygiad dysgu, personol a chymdeithasol. Mae ein darpariaeth gwnsela yn un ffordd y mae Area 43 yn gweithio i sicrhau bod yr holl blant a phobl ifanc rydym yn gweithio â nhw yn cael y cyfle i gyrraedd eu llawn botensial.

Pwrpas ein gwasanaeth cwnsela yw i:

- Alluogi unigolion i fod yn fwy effeithiol yn eu bywydau o fewn a thu allan i gymorth Area 43
- Nodi a darparu amodau a fydd yn hwyluso llesiant a datblygiad personol cleientiaid.
- Darparu gwasanaeth cwnsela fel mecanwaith cefnogi annatod ar gyfer dysgu cleientiaid.
- Adlewyrchu ymrwymiad i God Moeseg ar gyfer Cwnselwyr Cymdeithas Cwnsela a Seicotherapi Prydain (BACP).

Mae'n bolisi gan Area 43 y dylai pob cleient gael mynediad cyfartal at gwnsela tymor byr, sef 6 sesiwn wythnosol fel arfer, sef:

- Am ddim/Wedi eu Hariannu
- Diduedd
- Gyda'r cleient yn ganolog
- Hygyrch
- Wedi'i ddarparu gan y rhai sydd â hyfforddiant ac arbenigedd perthnasol
- O fewn fframwaith cyfrinachedd
- Wedi'i ddarparu gan gwnselwyr sy'n derbyn goruchwyllo priodol, sy'n gweithio o fewn BACP neu ganllawiau ethgol cyfatebol

Rydym am weld byd ble:

Nid oes unrhyw rwystrau i gymorth. Ble mae gwasanaethau yn gynhwysol, yn hygyrch ac yn hwyl.

Mae sefydliadau eraill yn dilyn ein model i ddarparu gwasanaethau hyblyg, ymatebol, wedi'u harwain gan anghenion sy'n sicrhau canlyniadau cadarnhaol i blant a phobl ifanc unigol.

Mae ein gwasanaethau, a'r rhai o'n cwmpas, yn datgloi potensial ar bob cam o fywydau pobl ifanc, yn enwedig pan fyddan nhw'n wynebu anghydraddoldeb neu anfantais.

Rydym yn cyfrannu at yr amgylchedd cyfreithiol, polisi ac ymarfer, gan eirioli dros blant a phobl ifanc.

Mae pobl ifanc yn cael eu grymuso i gymryd rhan yn y gymuned leol, gan fynd i'r afael â materion eu cenhedlaeth.

I ddarganfod mwy:

Os ydych yn rhannu ein gwerthoedd ac yn credu yn ein cenhadaeth i newid y byd, byddwn wir yn hoffi clywed oddi wrthyh.

Cysylltwch gyda hr@area43.co.uk neu ffoniwch ni ar 01239 614566 am sgwrs am ba swydd allai fod yn addas ar eich cyfer.

Rôl Gweithiwr Cymorth Ieuenctid



Beth yw Llyw a Byw?

Cynhaliodd Partneriaeth Dyfodol Ni, y mae Area 43 yn Bartner Arweiniol ar ei chyfer, 6 mis o ymgynghori â phobl ifanc ar draws Ceredigion. Siaradodd y Tîm Ymgysylltu â bron i 1300 o bobl ifanc mewn digwyddiadau ymgysylltu a oedd yn benodol ar gyfer pobl ifanc. Fe wnaethant fwydo'r data hwn yn ôl i'w grŵp llywio o bobl ifanc, S³ (Safe Space to Speak | Safle Saff i Siarad), a'i distyllodd yn dri mater allweddol yr oedd pobl ifanc Ceredigion am fynd i'r afael â hwy:

- System drafnidiaeth druenus nad yw'n addas i'r diben.
- Mynediad i wasanaethau yn cael ei effeithio gan faterion trafnidiaeth a natur wledig Ceredigion.
- Prinder mannau diogel ar gyfer defnydd pobl ifanc yn unig.

Feelz on Wheelz / Llyw a Byw yw ymateb S³ i'r materion hyn. Fe ddylunion nhw'r gwasanaeth o'r newydd, a buont yn rhan o bob penderfyniad, gan gynnwys ar y panel recriwtio staff. Fel Depot, mae'n gaffi ieuenctid symudol a arweinir gan bobl ifanc a gwasanaeth cymorth i bobl ifanc 13-25 oed yng Ngheredigion. Mae'r fan yn teithio o gwmpas y sir ar sail rota, gyda'r nod o dargedu pobl ifanc sydd heb ddigon o wasanaethau neu bobl ifanc ynysig yn benodol. Mae'r amserlen yn cael ei diweddarau bob 12 wythnos, ac yn cael ei phostio ar sianel Instagram Llyw a Byw, @feelzonwheelzceredigion. Mae'n cael ei redeg gan Weithwyr Cymorth Ieuenctid, wedi'u hyfforddi gan Area 43, sy'n rhedeg yr elfen caffi a'r elfen gwasanaeth cymorth ar hyn o bryd. Maent hefyd yn cymryd rhan mewn gweithgareddau dargyfeiriol a chreadigol ar gais y bobl ifanc.

Mae'r lleoliad yn yr awyr agored yn bennaf, gyda staff yn sefydlu caffi awyr agored. Yn y gaeaf, mae'r gwasanaeth yn ceisio defnyddio adeiladau cymunedol fel neuaddau pentref i ddarparu gofod dan do.

DISGRIFIAD SWYDD

Teitl y Swydd: Gyrrwr a Chydlynnydd Cerbydau Caffi Ieuenctid Symudol

Contract: Parhaol (amserllawn)

Cyflog: £23,500 y flwyddyn (37 awr yr wythnos)

Lleoliad: Lleolir ar draws Ceredigion

Buddion: Cyfraniadau pensiwn: 3% cyflogwr; 5% gweithiwr
20 diwrnod y flwyddyn ynghyd â gwyliau banc statudol

Mae'r swydd hon wedi'i hariannu gan Gronfa Gymunedol y Loteri Genedlaethol tan fis Mawrth 2028.

Crynodeb Swydd:

Fel ein Gyrrwr a Chydlynnydd Cerbydau Caffi Ieuenctid Symudol, chi fydd yr olwynion y tu ôl i genhadaeth y prosiect - gyrru a chynnal a chadw'r cerbyd caffi symudol, cefnogi'r gwaith o'i sefydlu a'i dynnu i lawr mewn lleoliadau dynodedig. Hefyd cynorthwyo ein Gweithwyr Cymorth Ieuenctid Llyw a Byw (Feelz on Wheelz) i greu amgylchedd croesawgar a diogel i bobl ifanc.

Byddwch hefyd yn cadw ein fan mewn cyflwr gwych: yn trin gwiriadau cerbydau sylfaenol, glendid, ac yn sicrhau ein bod ni bob amser yn barod i fynd ar y ffordd fawr.

Cyfrifoldebau Allweddol:

1: Gyrru a Chynnal a Chadw Cerbydau

- Gyrru'r caffi ieuenctid symudol yn ddiogel i ac o leoliadau wedi'u rhaglennu ar draws Ceredigion (Un lleoliad y dydd, pum diwrnod yr wythnos).
- Cynnal gwiriadau cerbyd rheolaidd (petrol/diesel, olew, teiars, ac ati) ac adrodd am broblemau mecanyddol i'r Rheolwr Prosiect.
- Ail-lenwi'r fan â phetrol / diesel yn ôl yr angen.
- Cadw'r cerbyd yn lân, yn drefnus, ac wedi'i stocio â'r cyflenwadau angenrheidiol.
- Sicrhau bod yr holl brotocolau diogelwch yn cael eu dilyn yn ystod cludiant a gosod.
- Diweddarw'r Rheolwr Prosiect ar faterion megis; cyflwr y cerbyd, digwyddiadau sy'n ymwneud â'r fan ac atgyweiriadau neu waith cynnal a chadw a allai fod eu hangen.

2: Cymorth Sefydlu a Gweithredol

- Cynorthwyo gyda gosod a thynnu i lawr offer caffi a deunyddiau allgymorth.
- Gweithredu generadur, goleuadau, neu offer technegol arall a ddefnyddir ar safleoedd.

3: Cymorth Ymgysylltu Ieuenctid

- Gweithio ar y cyd â gweithwyr cymorth ieuenctid i ddarparu lle diogel a chynhwysol.
- Cynnal ffiniau proffesiynol wrth fod yn hygyrch ac yn gefnogol.
- Cynorthwyo i reoli llif pobl ifanc mewn digwyddiadau neu arosfannau.
- Paratoi a gweini lluniaeth ysgafn neu fyrbrydau yn ôl yr angen (caiff hyfforddiant cegin ei ddarparu gennym ni).

4: Gweinyddiaeth a Chydymffurfiaeth

- Cadwch olwg ar filltiroedd, a rhybuddio'r Rheolwr Prosiect pan gyrhaeddir pwyntiau gwirio penodol gan y bydd angen gwasanaeth.
- Cadwch gofnod o ddefnydd a chostau tanwydd ar gyfer adrodd yn ôl i'r Rheolwr Prosiect.
- Cwblhewch gofnodion cynnal a chadw a digwyddiadau.
- Dilynwch weithdrefnau diogelu, iechyd a diogelwch, a rheoli risg.
- Mynd i gyfarfodydd tîm a hyfforddiant achlysurol yn ôl yr angen.

Cymwysterau a Gofynion:

- Trwydded yrru ddilys yn y DU gyda record lân.
- Oherwydd natur ein hyswariant, rhaid i'r Gyrrwr fod yn 25 oed o leiaf.
- Profiad o yrru faniau neu gerbydau tebyg.
- Dibynadwyedd cryf a chadw amser.
- Yn gallu gweithio gyda'r nos ac ar ddydd Sadwrn.
- Ar ôl cael cynnig y swydd, rhaid i'r ymgeisydd gael gwiriad DBS safonol a ddarperir gennym.

Priodoleddau Dymunol:

- Ymddygiad cyfeillgar, tawel, a hawdd mynd ato.
- Hyfforddiant cymorth cyntaf sylfaenol neu'r parodrwydd i fynd i sesiynau hyfforddiant.
- Dealltwriaeth sylfaenol o egwyddorion gwaith ieuenctid, neu angerdd dros lesiant pobl ifanc.
- Profiad o weithio mewn rolau cymunedol neu rolau sy'n canolbwyntio ar ieuenctid.
- Gallu technegol neu fecanyddol.

Os hoffech gael rhagor o wybodaeth, neu os am gael sgwrs anffurfiol am y rôl, cysylltwch â Sally Hurman yn Area 43. E-bostiwch hr@area43.co.uk neu ffoniwch 01239 614 566.

I wneud cais am y rôl hon, anfonwch eich Cofnod Cyrhaeddiad (CV) yn amlinellu eich hanes cyflogaeth, cymwysterau academiaidd a phroffesiynol ynghyd â llythyr eglurhaol (dim mwy na 2 dudalen A4) yn amlinellu eich cymhelliant dros wneud cais. Dangoswch sut rydych chi'n bodloni'r meini prawf a amlinellir yn yr adran sy'n gofyn am 'brofiad o/dangos' i hr@area43.co.uk. Ni fydd ceisiadau a wneir drwy Indeed yn cael eu hystyried.

Dyddiad cau: 22 AWst 2025